

۱۹ جمادی الاول سنہ ۱۳۳۶

بازار

۳ مارت سنہ ۳۳۴

سر محوری : مصطفیٰ فوزی

تاریخ تاسیس ۱۳۲۷ سنہ ہجری

سنہ ۵۰ اعتباریہ ممالک شاہانہ ایچون پشین
اولہرق ۵۰ الی آیلنی ۳۰ غروش وممالک
اجنبیہ ایچون ۲۰ فرانقدر .

جریدہ الاصلاح فیہ

شمذیلک ہفتہ دہ بر نشر اولنور

صاحب امتیاز و مدیر مسئول حسن کاظم

ملت عثمانیہ - امت اسلامیہ ایچون مفید اولان آثار
صحیفہ لر منر آجبقدر درج ایدلمیان اوراق اعادہ ایدلمز .

ادارہ خانہ — استانبول باب عالی جوارندہ
ابوالسعود جادہ سی نوسرہ ۷ اصحاب سراجمانہ
ہر ساعت آجبقدر

نوسرہ ۱۳۵

تصوفی ، دینی ، اخلاقی ، ادبی ، سیاسی جریدہ اسلامیہ در

نسخہ سی ۵۰ پارودر

حق بنی انطاق ايدر ، بن حق تقرير ايلرم
سورته آلامه ياهو دلامه کی عرفانه باق
فيض مشکات نبوتدن ايدندم اقتباس
نشر انوار ايلدم بوعالم امکانه باق
فوزيا حقدن بتون هرکوردیکک بوجلولر
کل فقط مرأت پاک احمد ذيشانه باق

مصطفی فوزی

فاتح دراهمان

شئونات

چته لرك تنکيلي

طرزون تخليص ايدلدی

حرب مطبوعات قرارگاهندن :
طرزون شهرمن دخی ۲۴ شباط گونی چته لرك ظلم وشرندن
تخليص ايدلدی . شهردن کچن امنیت قطعاً شرفه طوغرو فرار
ايدن چته لري قول قول تعقيب ايدیور .
۲۲ شباطده دخی قسم اعظمی چته لري طرفندن ياقلمش اولان
مالما خانون قصبه سته کيرلشدر . (ملی)

فینلانديا هیئت

فینلانديا استقلالی حکومت عثمانیه تبلیغه مأموراً شهرمنه کلش
اولان هیئت مخصوصه بالقان تره نیله شهرمندن مفارقت ایتشلردر .

هیئت مرخصه نك عزیمتی

رومانیا ايله عقد اولنه حق مذاکرات صلحه بده حکومت عثمانیه
نامنه مرخص تعیین قلنان خارجیه ناظری احمد نسیمی بك افندی
اعیان اعضاسندن احمد عزت پاشا ، خارجیه نظارتی مستشاری رشاد
حکمت بك ، خارجیه قلم مخصوص مأموریندن امین سعید بك بالقان
تره نیله بکرشه عزیمت ایتشلردر .

آبراهام پاشانك جنازه مراسمی

مجلس اعیان اعضاسندن آبراهام پاشانك جنازه مراسمی بالق بازارنده
کائن ارمی کلیسا سنده اجرا اولنه حق مراسم مخصوصه ايله شیشلییه
نقل واوراده کی عائله مقبره سته دفن ایدلشدر .
کلیساده اجرا قلنان آیین روحانیده طرف اشرف حضرت
بادشاهیدن متوفای مشارالیهك عائله سته بیان تعزیه مأمور بیوریلان

یاوران شهر یاریدن رضا بك ، صدراعظم پاشا حضرتلری نامنه سر یاورلری
عمر بك ، مجلس اعیان رئیس رفعت بك افندی ، رئیس وکیل عبدالحق
حامد بك ، اعضادن فؤاد پاشا ، علی رضا پاشا ، صالح پاشا ، ابراهیم
بك ، شکری پاشا ، آریستیدی پاشا ، ماوروقورداتو افندی ، آرام
افندی ، آزاریان افندی ، عبدالرحمن بك ، بخور افندی ، دلبر
افندی ، ماورویانی بك ، مجلس اعیان کاتب عمومیدی بك ، اسوچ
سفری ، سفرای دولت علیه دن رفعت پاشا ، نابی بك ، مأمورین
واچانیدن برخیل ذوات معتبره حاضر بولنش ، مجلس عمومی محافظ
بولکندن برقطعه ايله مجلس اعیان پولیس ومستخدمینی طرفندن رسم
احترام اجرا ایدلشدر .

§ آبراهام پاشا ، اولجده یازلدینی وجهله شیخ الوزرا اولوب
۹۳ دن بری اعیان اعضاسندن بولمقد ایدی . آبراهام پاشا ۱۸۳۴
سنه افونجیه سنده تولد ایتدیکنه نظراً وفاتنده ۸۴ یاشنده بولنیوردی .
متوفی ۱۷ یاشنده هندستانه کیدرک ایکی سنه الماس تجارتی ايله اشتغال
ایتمش وبعده استانبوله کله رك سلطان عبدالعزیزك بك زیاده توجهنه
مظهر اولشدی . آبراهام پاشا اسماعیل پاشا فائده سنك خدیویتی حقنده کی
فرمانی قاهره به کنورمش وبوخدمتنه مکافاة اسماعیل پاشا کندیسنه
ایکی میلیون لیرا هدی ایتشدر . سلطان عبدالعزیزده بکقوز جهتنده
کندیسنه واسع اراضی بخش ایتدیکندن آبراهام پاشانك ثروتی اوج
میلیون لیرایی تجاوز ایتشدر .

آبراهام پاشا فقرایه بك زیاده معاونت ایتدیکی کی ثروتنك برقسینی
بیوک مسامره لر واکانچهلر ترتیبه صرف ایتشدر . بك اوعلنده کی
سرقل دوریان بناسی آبراهام پاشا طرفندن انشا ایتدیرلش ومتوفی
بو بنانك برقاتنده اقامت ایتکده بولنشدی .

حقوق عائله قرارنامه سی مابعد

باب سادس

فصل اول

مهر حقنده در

ماده : ۸۰ مهر یا مهر مسادرکه طرفینك آز وباچوق تسمیه
ایتدکاری مالدر . ویا مهر ملدرکه زوجه نك باباسی طرفندن واولمدینی
تقدیرده بلده سی اهالیسندن اقران وامثالی قادینلرک مهریدر .
ماده : ۸۱ مهر مسانك تماما ویا قسماً تمجیل وتأجیلی جائزدر .
ماده : ۸۲ مهر مؤجلده برمدت تعیین ایدلش ایسه حلولندن
اول مطالبه یه زوجه نك حق یوقدر . ولوکه طلاق وقوعولش اولسون .
اما زوجك وفاتیه اجل ساقط اولور . مدت تعیین ایدلماش ایسه طلاق ویا
زوجیندن برینك وفاتی وقوعنه قدر مؤجل عد اولنور .

ماده : ۸۳. عقد صحیحده مهر تسمیه ایدلدیکی تقدیرده احد طرفینك وفاتی ویا اجتماع صحیحیدن صکره طلاق وقوعی ایله مهر مسمی تماماً لازم کایر . اما اجتماع صحیحیدن اول طلاق وقوعبولورسه مهر مسلمانك لصفی وعدم کفائت طولایبسیله ولبسك زوجینی تفریق ایتدیرمهی کبی برصورتله زوجیه طرفندن افتراق وقوعبولورسه تمامی ساقط اولور .

ماده : ۸۴. عقد صحیحده مهر تسمیه ایدلدیکی ویا ایدیلوبده اشبو تسمیه فاسد اولدینی تقدیرده احد طرفینك وفاتی ویا اجتماع صحیحیدن صکره طلاق وقوعی ایله مهر مثل لازم اولور . اما اجتماع صحیحیدن اول طلاق وقوعبولورسه متعه لازم کایر . متعه مهر مثلك نصفی تجاوز ایتمك اوزره عرف وعادته کوره تعیین ایدیلیر .

ماده : ۸۵. عقد فاسدده تقریدن صکره افتراق وقوعنده اگر مهر تسمیه ایدلش ایسه مهر مسمی ایله مهر مثلدن اقلی وتسمیه ایدلمه مش ویا فاسداً تسمیه ایدلش ایسه بالغاً مبالغ مهر مثل لازم کایر . اما تقریدن اول افتراق وقوعبولورسه اصلاً مهر لازم کلز .

ماده : ۸۶. تسمیه مهرده اختلاف اولنوبده تسمیه ثابت اوله مدینی تقدیرده مهر مثل لازم کایر . شوقدرکه تسمیه بی ادعا ایدن طرف زوجیه ایسه مهر اونك ادعا ایتدیکی مقداری تجاوز ایتمز . زوج ایسه اونك ادعا ایتدیکی مقداردن دون اولماز .

ماده : ۸۷. مهر مثلك مقدارنده اختلاف اولنوبده زوج مهر اولامی متعارف اولان برشی ادعا ایتدیکی حلاله سوز اونکدر .

ماده : ۸۸. برکیمسه مرض موتنده تزوج ایدلدیکی صورتده مهر مئما زوجیهك مهر مثله مساوی ایسه زوجیه اونی ترکسندن اخذ ایدر . زیاده ایسه فضلهسی حقنده وصیت حکمی جریان ایدر .

ماده : ۸۹. مهر منکوحهك مالی اولوب اونکله جهاز یا عیغه جبر اولنه ماز .

ماده : ۹۰. برقری تزویج ویا تسلیم ایچون ابوین و اقرباسنك زوجدن آنچه واشیای سائره آللمری ممنوعدر .

ماده : ۹۱. اشبو فصل احکامی غیر مسلملرحقنده جاری دکادر .

فصل ثانی

نفقه حقندهدر

ماده : ۹۲. نفقه زوجینك معین برشی اوزرینه تراخیسی ویا حاکمك قضای ایله لازم الادا اولور . وبوصورتله تقدیر ایدیلان نفقه اسعارك تغیری ویا عسر ویسر اعتباریله حوال زوجینك تبدلی ویا قدر کفایه دن دون ویا افزون تقدیر ایدلش اولدیفنك تحقیق اوزرینه تزوید ویا تنقیص ایدیله بیلیر .

ماده : ۹۳. نفقه تمجیل ایله معجل اولور . وزوجه طرفندن

بعدالاستیفا بدنده عیناً موجود ایکن وفات ویا طلاق وقوع بولسه استرداد اولنه ماز .

ماده : ۹۴. زوج حاضر زوجیهسی اتفاقدن امتناع ایدوب زوجیه نفقه طلب ایدر ایسه حاکم یوم طلبدن اعتباراً طرفینك حالته کوره نفقه تقدیر ایدر . وتعیین ایدیهجکی مدتلا ایچون پیشین ویراسنی امر ایلر .

۹۵ : تقدیر وتمجیلدن اول مرور ایدن مدتك نفقهسی ساقط اولور .

ماده : ۹۶. زوج زوجیهسی اتفاقدن عاجز قلوبده زوجیه نفقه طلب ایدر ایسه حاکم زوج ذمتنده دین اوابق اوزره یوم طلبدن اعتباراً نفقه تقدیر ایدر . وزوج نامنه استدانه ایتمی ایچون زوجیه اذن ویرر .

ماده : ۹۷. زوج زوجیهسی بلانفقه ترك ایله اختفا یا خود مدت سفر بعید ویا دها قریب برمحله کیدهرك تغیب ایدر ویا مفقود اولورسه حاکم زوجیهك زوجیت حقنده اقامه ایدیهجکی یدنه اوزرینه زوجیهك نفقه ترك ایتدیکنه والآن ناشزه وعدتی کچمش مطلقه اولدیفنه زوجیهی تحایف ایتدکدن صکره یوم طلبدن اعتباراً نفقه تقدیر ایدر . ولدی .

الحاجه زوج نامنه استدانه ایتمی ایچون زوجیه اذن ویرر .

ماده : ۹۸. معسر اولان زوجیهك مواد سابقه موجبیه حاکم طرفندن استدانهیه مأذون قلندینی برلرده ذات الزوج اولدینی تقدیرده نفقهسی کیمه طائد ایسه عندالطلب اونك زوجیه اقراض ایتمی لازم کایر . وایلریده یالکیز زوجیه حق رجوعی اولور . اما زوجیه اجنیدن استدانه ایتمش ایسه دائن دیلرسه زوجیه دن، دیلرسه زوجدن مطالبه ایدر .

مابعدی وار

سهو مراتب اوله رق وقوعه کان خطیبات بروجه آتی تصحیح ایدیاور :

۱۳۰. نومرولی نسخهك ۳۱۵ نجی صحیفه سنده مندرج و تحفه شکران « منظومه سنده دردنجی مصراع (برغذاب اولدم) دیزلش (برغراب اولدم) بازیه جقدر .

۱۳۱. نومرولی نسخهك ۳۲۰ نجی صحیفه سنده مندرج داستان عشقك برنجی غزلانك طقوزنجی مصراعنده کی (حسن) (حسن) و اوچنجی غزلانك سکزنجی مصراع (باشلادی بریر نجل ایتکه مبنای عشق) و کذلک دردنجی غزلانك آلتنجی مصراعنده کی (جندا) (جندا) وینه دردنجی غزلانك طقوزنجی مصراعنده کی (ایلدون) (ایلدوب) ویشنجی غزلانك اون برنجی مصراعنده کی (حسن مطلقدر) (حسن مطلقدر) و سکزنجی غزلانك بشنجی مصراع (کاهی خندان ، کاهی کر بان ایلدوب شاقلمری) اوله جقدر .